



Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunatsinni nerisassiarineqartut pisiniarfinni akiinut suut tunngaviusarnerat pillugu Naalackersuisut nassuiaasiornissamik peqquneqarnissaannik Inatsisartut aalajangiiffissaattut siunnersuut. Nioqqutissat iliortoqarsinnaanera akitigut nassuiaammi pisisartunut ilanngullugu pilerinarnerulersinniarlugit tikkuarneqassaaq. qanoq Nassuiaat kingusinnerpaamik UKA2025-mi saqqummiunneqarsimassaaq.

(Inatsisartuni Ilaasorta, Mariane Paviasen, Inuit Ataqtigiit)

Siullertut siunnersuuteqartoq Mariane Paviasen, Inuit Ataqtigiit siunnersuutaanut qujaffigivarput. Naleqqamiit ima oqaaseqarfigissavarput.

Siunnersuut punkt 50 kalaallisoortaani ukiaanerani 2024 eqqartorneqartussanngortitaavoq qallunaatoortaanilu upernaakkut ataatsimiinnermi 2025

Siunnersuutigineqartut siunnerfimmini oqariatuutaa, pitsaalluinnarpoq inuiaqatigiinnummi akikinnerusumik kalaalit nunaata inuisa nammineq pilersitaannit inuussutissanik pilersuisinnaanerit pineqarmata.

Taamaattoq Mariane Paviasen-ip Inuiat Ataqtigiinnersup taamatut siunnersuusiunnginnermini Naleqqamiit ilisimangilarput massakkut naalackersuisooqatigiit Inuit Ataqtigiit aamma Siumut politikkeqareermata immikkut isumaqatigiissutigiginikuusaminni
NAMMINERSORLUTIK OQARTUSSAT AKTIANIK PIGINNEQATIGIIFFIINUT PIGINNITTUUNERMUT
POLITIKKIMIK Taasaminnik.

Taassuma iluani allaqqasoqarluni:

Issuaaneq:

“Ingerlatseqatigiiffiup akiliisinnaasusaa, aningaasatigut pisariaqartitassai, pissutsillu allat ilanngullugit ingerlatseqatigiiffiup inuiaqatigiillu aningaasaqarnerat aqqqissugaanerallu eqqarsaatigineqassapput”

Ingerlaqqikkaanni..

“Agguagarsiat pillugit politikki-mi.

Akinik annikilliliinikkut innuttaasunut iluaqutissanngorlugu ingerlatseqatigiiffiit iluanaarutininik atuisinnaassasut”



Naleraq

Tassanilu quppernarmi siullermi allaqqasoqarluni.

"Nutaamik piginnittuunermut politikkiyssaliornissaq pillugu Naalackersuisut, Inuit Ataqtigiit, Siumut, Demokraatit Atassullu akornanni isumaqtigiissusiortoqarpoq"

Issuaaneq naavoq.

Taanna politikki isumaqtigiissutaannaammat peqqussutaanani Naleraq peqataangilaq. Inuit killeqanngittumik pisortat pigisaanniit ingerlatsivinniit aallerfigineqarsinnaanerat illersorneqassaguni Naleqqap peqataaffigisimassagaluarpaq peqqussutitut inissisimasimagaluarpat sinneqartoorutini isertitsiniarnermi innuttaasut atornerlunneqarnerannik kiunguneqarnaveertinneqarsimagaluarpat.

Sanimut qivialaarta.

KNI Pilersuisoq A/S nunatta isuini nunaqarfinnilu taamaallaat inunnut pisiniarfeqarpoq unammillerneqanngittumik.

2023 sinneqartoorpoq _____

Illuanut qiarutta Air Greenland 2023-mi sinneqartoorpoq _____

Tunummut qiviarutta Royal Greenland _____

Nutatta inuisa nammineq pigisaat taakkua sinneqartoorput katillugit _____

Taava susoqarpa?

Inuiaqtigiinnut Kalaallit nunaanni innuttaasunut malunniuppa?

Akinik apparsaasoqarpa?

Atuisut inuussutissaminnik inuuniarnikkut oqitsorsiornerulerpat?

Ingerlatsiviit katillugit _____ sinneqartooruallarmata innuttaasut utertitsivigineqanngillat inuussutissatigut oqinnerusumik atugaqalernerinik, akerlianillu suut tamarmik akitsoraluttuinnarlutik.

Politikkimik isumaqtigiissut tusarnerisooq immaqalu aamma inuiaqtigiinnut neriullalersitsisimassasoq taamanikkut, Naleqqamiit uagut takusaqanngilagut malitseqartinneqarneranik inuiaqtigiit inuussutissanik akikinnerusunik pisiassaqalernerinik. Aamma akikillisaasoqanngilaq.



Naleqqamiit isumaqarpugut Inunnut neriullualersitsisumik saqqummiussisimagaanni taava iliuuseqartoqartariaqartoq.

Asuli iluareqqusaarutitut tusarnersaarutitulluunniit atuinnarsimangikkunikkit atsiorsimasartik malillugu iliuuseqarsinnaagalarput Naalakkersuisut Naalakkersuisooqatigiit.

Kiisa naalakkersuisuutitaqartut siunnersuuteqartalerput taakkununga politikimik atsioereenikuugaluartunut.

Ajoraluaqaarli naalakkersuisuutitaqartup siunnersuutaa naalakkersuisup suli akissuteqarfigninneranik takusaqannginnatta, naak taakkua allaat politikkiliaminni nammineq atsiukkaminni peqareeraluarlutik ilartilluunniit kiisa siunnersuuteqartoq pillugu akissummik suli takusaqarsinnaannginnatta ajuusaarnarpoq.

Naliliinnagassaavoq politikki oqaasiinnaq kimeqanngittoq timitalerneqarnavianngittorlu.

Isorliunerusuni tunumilu najungaqartut inuussutissatigut sakkortuumik nammineq pisuussutiginggisaminnik inuiaqatigiit atugaqartitaapput politikikkut.

Naak inuiaqatigiit pigisarigaluaaraat KNI Pilersuisoq A/S

Utoqqaat utoqqalinersiutaat inullu innarluuteqartut siusinaartumik pisartagaqalernikuusut eqqugaanerpaajusarput.

Nunaqarfiit aalisartoqarfiugaluartut ukiakkut imaatigut inuuniarneq kaperlaallu nalaanni inuussutissarsiiuteqarneq imaannaanngittumik atorneqartartoq Naleqqamiit ilisimaarivarput.

Qilalukkat nalaanni qalerallit piuminaallisarput nammineq pimngortitaassutsiminni malugisaramikkut qilalukkat tikiunnerat, kiisalu qilalukkat killilersukkat piniartut iluamilluunniit tapertarisinnaajunnaarnikuuaat isumalluutaanatillu aningaasatigut.

Imaq sikuartalertillugu angallaviusinnaanera killeqalertartoq sikorlaajutillugu suli killeqarnerusarpoq.

Taamaattumik isorliunerusuni najungaqartut atugaat oqitsuinnaaneq ajortoq Naleqqamiit ilisimaarigatsigu KNI Pilersuisoq A/S akisuallaarujussuurtumik inuussutissatigut niueruteqarnera ilanngullugu oqaatigisaqattaarparput naleqqussarneqartariaqarmat.

Sumut iluaqutaassava savat neqaat saarulliillu kalaalimernillu niuertarfinni tamani taakku kisiisa akikilligutsigit?

Naleqqamiit isumaqarpugut niuertarfiit sinneqartoorsimasut soorlu KNI Pilersuisoq A/S

sinneqartoorutai atuisartuminut akikinnerusumik nioqquteqartitsinermini

utertitsivigisinnaasariaqarai, tamannalu siunnerfigalugu politikki eqqartoriigara tunngavigalugu

Naalakkersuisoq peqqusissasoq.



Tassani sinneqartoorutit nunap karsianut nakkartinneqariarlutik atuisorpiaanut iluaqutissanngornagit siunnerfimmumut allamut atornerqaratik.

Malugineqarsinnaavoq Naleraq isorliunerusuni najungaqaqtut pillugit illersuilluni qanoq oqariartuuteqaqtoq.

Sooruna partiit allat ersarissumik taamatut oqariartorneq ajortut?

Imaluunniit sooruna partiit allat isorliunerusuni najungaqaqtuni illersuinerartarunik iliuuseqarneq ajortut?

Asuli tusarneraarlutik iluareqqusaarlutillu oqarluartaaginnaratik iliuuseqartariaqarput.

Isorliumersusunimi najungaqaqtuni inuussutissanik niuerfigineqarput agguaqatigiisillugu akit qaffasippallaarujussuurtumik.

KNI Pilersuisoq Royal Arctic Line-lu assartuinnermut ukiumut millionilikkaanik taperneqaqtarput Kisianili inuussutissat taakkua akisuunngorlugit niuerutigineqartaerlutik isorliunerusuni.

Neqit nunatta inuinit tunisassiarineqartut aalisakkallu nunatta inuinit tunisassiarineqartut taakuusussaagaluarput nunatta inuisa pigisaannit niuertarfinni akikinnerusumik pisiarineqartussat?

Naleqqamiit isumaqanngilagut KNI Pilersuisoq A/S isorliunerusuni akinik ingasattajaartumik inuussutissanik akeqartitsinermini sinneqartoorutigisartagai allanut akikillisaatitut matussutigineqarsinnaassasut.

Taama oqarpugut soorunami siunnersuuteqaqtup tamanna aamma nammineq siunnerfiginngikkaluaraa.

Siunnersuuteqaqtummi siunnerfigimmagu kalaalimernit akikinnerusumik niuertarfinni pisiarineqarsinnaalernissaat.

Neqit aalisakkallu nunatta inuinit tunisassiarineqartut niuertarfinni akikinnerusumik pisiarineqartalernissaat angorusullutigu siunnersuut ataatsimiititaliamut susassaqaqtumut ingerlateqqipparput, tassani aamma misissuiffiqineqarlunilu suliarineqarnissaa siunnerfigalutigu.